



DEO OPTIMO MAX. UNI ET TRINO,

VIRGINI DEI - PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUOD LIBET ARIIS DISPUTATIONIBUS
*manè discutienda in Scholis Medicorum, die Martis tertiâ
mensis Decembris, anno Domini M.DCC.XLIH.*

M. LUDOVICO HYERONIMO COSNIER,
Doctore Medico, Præside.

An, quò præstantior in praxi, Medicus, cò & Vaticinij genio magis præditus.

I.



OMINI nihil est similis quam homo, nihilque dissimilis. Amant
minervam alii, alii martem. Opes sequuntur plerique, non nulli
fugiunt. Quidam obeundis magistratibus, & negotiis maximi mo-
menti gerendis idonei: secus plurimi. Est qui (brutarum instar
animantium) edendo ac bibendo unice studet, famæ ac nominis
incurius: contra verò non pauci, laudis desiderio incensi discipli-
nas, præclaras artes & scientias colunt; hos inter gloriæ cupidos, parem vari

A

reperias profectò neminem ; is nihil magis ambit quàm futurorum cognitionem ; difficultatibus , ænigmatibus & obscuritatibus delectatur ; memor infinitarum penè rerum quas incredibili celeritate ingenii percepit , naturæ cursus & recursus , discrimina , momenta , casus , eventus atque fata fortunamque hominum , tacità mente perpetuò volvit revolvitque , nec dubitat oracula reddere consultus ; res bona , sed rara , vates ; non enim quotquot se credunt vates , dicuntve , idèò vates sunt . Apagè chiromanticos , genethliacos , sagas , necromanticos , & alios hujus farinae homines , qui polliceri , nec præstare , prædicere & mentiri solent .

I I.

NON parum solliciti fuere Philosophi , unde tanta esset quibusdam hominibus divinandi facultas . Illam referebant alii ad furorem , alii ad familiares deos ; quidam ad siderum influxus , non nulli ad reminiscèntiam ; meliùs cum galeno , ipsam ascribas temperamentorum vi atque præstantiæ . Scire licet sanguineo-melancholicis Contingere uberiores spirituum animalium proventus , texturam partium firmiorem , laudabiliorè sanguinem vegetioremque lympham & spirituosiorè ; hinc functiones corporis & animi feliciores ; illis (quia altiùs imprimuntur imagines) firmior memoria , & habitus mentis nobiliores . Ad ardua & grandiora nati ejusmodi homines , ingeniosis diu noctuque exercitiantur malis ; atque ita cogitando meditandoque (id est effectus obscuros per evidentes causas , causas latentes per effectus manifestos investigando) habitus ad benè divinandum necessarios , paulatim sensimque acquirunt .

I I I.

AT qui hæc non parum emicant in præstantiori Medico . Huic , nodus gordius ubique præsens in morbis lethalibus , acutis vel chronicis ; sed radicatus suà peritus in arte , & experièntià dives , hineque prognosti ditior , didicè citò sapere , prævidere tutò , certò præcavere ; nodumque , vitam haud dubiè præfagiendo vel mortem , solvere . Quid vaticiniis genio propius ? Equum reipsà fuit ut ad tot grandia ardua que natum factumque medicum , provida compensaret natura virtutibus dotibusque rarioribus . Equum profectò erat ut qui alienis continuò erat affligendus ærumnis & calamitatibus , is , corporis robore mentisque energià abundantius ditaretur ; quin & longo ævo . Si opes addas & honores ; inde & animi serenitas major , mentisque hinc perspicacior acies . Ast (inquiunt artis osiores) non nisi conjecturalis est Medicina . Esto ; nec idèò incertam dixeris præstantioris medici prognosim . Quin potiùs , ex fonte incerto certum quid pronunciare futurum , quid vaticinio similius ? Quia medenti sapiùs conjecturalis reverà medicina est , studio idcirco , & labore improbo longoque usu , sibi non modo comparat in criterio subtilitatem , quæ tunc tanquam exquisitioris judicii acquilita virtus est ; verum etiam artificiosæ præfagitionis sensim assequitur habitum . Illà , relationem causarum ad effectus , effectuum ad causas , genera ac species temperamentorum , morborum , symptomatum , signorum , similitudinem rerum ac dissimilitudinem percipit . Hoc , macro & microscopi casus & eventus valet prædicere . Cum exitus morborum medici famam illustret aut imminuat , obscuret vel augeat , omni studio alla-

borat ut sententiæ atque expectationi suæ respondeat. ³ Sunt indicia quæ morbum brevem aut longum, superabilem aut invictum, mitem aut malignum portant. Indicia non desunt quæ tempus, quæ diem & solutionis modum demonstrent. Medicus horum non immemor, digna apolline pandit oracula. Sic, etsi vatis sanè nomen minimè ambiat, saltem vaticinii genium præ se fert & in illo magis magisque praxi elucet.

I V.

FELIX ergo Medicus qui sic est à naturâ comparatus. Ars quam alii prædicant arduam atque incertam, ipsi est faciliior certiorque. Naturalem divinationem potiùs quam artificiosam præflagitionem in eo esse putes. Ipso arteriarum pulsu; imò vultu ipso, de agri statu judicat; nec minùs præterita quam præsentia & futura intelligit; quod genus sit morbi quæ species, quos jam progressus fecerit, quò inclinat; quis eventus futurus sit, ictu quasi oculi percipit. Morbum variis non explorat remediis, sed recti propositique tenax atque imperturbabilis in suâ scientiâ, affectum vel sequitur pedetentim & cunctando frangit, vel mochlico, aliove id genus pro morbo, sine procraftinatione expugnat. Inter sexcenta medicamentorum genera, illud unum seligit quod est optimum; idque tantâ celeritate ut minùs arte quæsitum quàm divinitùs indicatum videatur. Inter innumeras morborum causas, has imprimis habet suspectas, putâ consuetudinem intermissam, animi pathemata, ingluviem, nec non morbi epidemici ingruentis aut vigentis characterem, in morbis quamplurimis, licet specie diversis, sapiùs quasi obvelatum. Inter partes affectas, dissidit potissimum ventriculo, hepati, lieni, menterio, pancreati. His tamen scit aliquando fidere. Optima parens illi concessit quicquid ars potest conferre præstantius, putâ singularem mentis integritatem, quâ non est melior phæbi cortina. Ipsi quoque in sevit rerum naturalium, non naturalium & præter naturam incredibile desiderium; physiognomiæ præsertim (quæ melior est physiologiæ pars) longè maximum. Persuasis, ex minimis momentis non nunquam pendere maxima, negligit aut spernit omninò nihil. Emicant etiam aliquando inter publica vitæ commercia, ejus naturalis præflagitionis scintillæ; unde apud omnes invenit admirationem.

V.

SUMMUS dictator nihil aliud intellexit, per indolem & naturam optimi medici, quàm divinatricem facultatem, ratiocinio nempe & experientiâ suffultam. Galenus optimum medicum ædipi nomine salutabat. Plinius herophilum appellabat Medicinæ vatem. Cicero eodem nomine donabat medicos præstantiores. Quotquot ab omnibus retrò sæculis in eâ arte florere præstantissimi viri, hac egregiâ dote præditi erant. Et verò, ars præstantissima, sibi parem desiderat artificem, qui ipsius constantiam, finisque excellentiam, adversus invidiam multorum, probet. Sub inexpugnabili morbo sæpè natura opprimitur, neque Medicinæ instrumentis quicquam loci relinquitur. Quid tum (amabo) absque præflagitione Medicus? In chronicis autem affectibus, quam diuturnitudo præscribes, nisi sutura prospexeris, Rectè igitur medicina definitur

ars divinatix , ad tuendam sanitatem & morbos expellendos comparata. Vitæ amans , eo imprimis delectetur medico quem noverit non infidum vaticinatorem. Qui excellit in vaticinatione , excellit & in omnibus Medicinæ partibus , quarum summa est prognosis. Ille ægritudines vel futuras antevertet , vel præsentis longissimè propulsabit ; atque ubi ad ultima ventum erit , neque spes vitæ in ægro manebit ulla , æternam , securus nec suæ prognosis anceps , dicet ægro salutem. Sic Medicus , certus in re incertâ cognitus , sanctissimum atque augustissimum vatis , seu *isobis* nomen consequetur ; recta igitur conclusio.

Ergo quò præstantior in praxi , Medicus ; Eò & Vaticinii genio magis præditus ,

DOMINI DOCTORES DISPUTATURI.

*M. Josephus-Exuperius Bertin ,
Sopremi Valachie & Molda-
vie Principis Medicus Prima-
rius.*

M. Gedcon de Rabours ,

*M. Ludovicus-Hyeronimus Cos-
nier , Alius Præsis.*

*M. Joannes-Ludovicus Baude de
la Cloy , rei herbariæ Professor ,*

*M. Laurentius Ferret , Chirurgiæ
Gallico Idiomate Professor.*

*M. Ludovicus-Joannes le Thieul-
lier , Regi. Consultarius in ma-
jori Consilio & in magnâ Re-
giâ Domûs & Franciæ Præse-
ctinâ Medicus ordinarius.*

M. Carolus Dionis.

M. Joannes Mity ,

M. Nicolaus le Roy de S. Aignan ,

Proponēbat Parisiis , JACOBUS VERDELHAN DES MOLES , Mimatenfis ;
Doctor Monspelienfis , Saluberrimæ Facultatis Medicinæ Parisiensis
Baccalaureus , A. R. S. H. 1743. à sextâ ad meridiem ,